

國朝掌故輯要

清·林春熙輯

國朝掌故輯要

江蘇廣陵古籍刻印社

# 国朝掌故辑要

江苏广陵古籍刻印社影印

(扬州市凤凰桥街)

扬州古籍书店发行

邗江珂罗版印刷厂印刷

开本850×1168      1/32      印张 39·8125

1990年6月第一版      1990年6月第一次印刷

印数1—350      广陵编号：018

---

精(上、下) 定价：68元

國朝掌故輯要卷之十三

預乾隆二十一年春正月予致仕大學士阿克敦謚文勤

○三月阿睦爾撒納遁○浙江巡撫鄂樂舜以罪誅

鄂樂舜勒派商銀六千餘兩 詔賜自盡

予告尙書魏廷珍卒

廷珍景州人年九十 上稱 熙朝人瑞謚文簡

秋七月 詔逮薩喇爾於獄○八月 詔磔阿巴噶斯庫

什克木

阿巴噶斯庫什克木既就擒 詔凌遲處死

冬十月以愛必達爲河道總督尹繼善爲兩江總督○致

仕大學士福敏卒

福敏字龍翰滿人 上師傅也年八十五諡文端

十一月 詔刪鄉會試試藝篇幅

鄉試第一場試書文三篇二場試經文四篇三場試策  
五道其論判表概行刪省會試二場經文外加試表文  
一道尋鄉試亦加表一道

回部莽噶里克尼瑪叛甯夏將軍和起死之

和起由魯克察克起程回部莽噶里克尼瑪率賊搶掠  
和起被圍不屈卒於軍諡武烈和起姓馬佳氏

十二月賊殺將軍策楞參贊玉保

上命策楞玉保擒獲阿逆阿逆遠颺 上命拏解策楞

玉保治罪乃拏解途間爲厄魯特賊眾所戕

以刑部尙書鄂爾達協辦大學士

訂乾隆二十二年春正月 詔會試第二場改表爲詩○

吏部尙書王安國卒

安國字書城號春圃江蘇高郵州人謚文肅與子念孫

字懷祖世稱石隱先生

孫引之字伯申官禮部尙書

三代以經學鳴世稱高郵王氏

癸卯 上奉 皇太后 南巡閩河○二月甲申 駐蹕

蘇州府

上駐蹕蘇州府 賜沈德潛詩有星垣帝友豈無友吳

下詩人尙有人之句

亡卯 駐蹕杭州府○夏四月命史貽直仍爲文淵閣大學士兼吏部尙書○丁卯 上還京師○阿逆逃匿俄羅斯

先是策楞飾報阿逆已獲實未就擒至是兆惠富德追之而阿逆逃匿俄羅斯 上命申明成例向彼索取詔鄉試第二場改表爲詩○五月 賜蔡以臺等及第○秋七月丁未 皇十四子永璿生○哈薩克全部歸附哈薩克古大宛地也漢武窮極兵力僅得馬以歸茲阿逆投鄂羅斯而哈薩克汗阿布賚率全部歸附

甲寅 皇十三子永璟薨○九月雲貴總督恒文伏法

雲南巡撫郭一裕懇恩總督恒文購金製爐進貢恒文遂以進貢爲名短價勒屬私飽亡橐乃恐事因伊始因而先發制人又縱容家人勒索門禮所查任所貲財至數萬餘兩 詔賜恆文自盡郭一裕發往軍台効力

冬十一月山西布政使蔣洲冀甯道楊龍文伏法

蔣洲蔣廷錫之子也恣意侵虧數盈鉅萬又復勒派屬員爲彌補計冀甯道楊龍文曲意逢迎侵帑勒派 詔蔣洲楊龍文均正法

乾隆二十三年春正月俄羅斯送阿逆屍於恰克圖

阿逆出痘身故俄羅斯人送其屍至恰克圖

吏部尚書汪由敦卒

由敦字師茗安徽休甯人善書有法帖行世諡文端  
以回酋霍集占罪狀宣諭回部

準夷之變達瓦齊就擒阿逆降而復叛 諭畧曰伊犁  
一日不平邊陲一日不安回酋霍集占因我 國有阿  
逆之變秉勢倡亂傷我使臣此次興師特爲霍集占一  
人諸臣若能將霍集占縛獻可受殊恩否則顯僇

二月驗阿睦爾撒納屍

親王齊巴克雅喇木丕勒會同哈畢坦等詳驗阿逆身

屍肌肉尙完面貌宛然阿逆已誅可傳諭中外知之

定各省鄉試官卷取中例

天省每二十名取中一名中省每十五名取中一名邊省每十名取中一名

三月定考試拔歲貢優生例

考取拔貢首場試書藝一經藝一二場試策一去論判  
改試詩一朝考試書藝一去論判改試詩一各省考試  
歲貢判亦改詩優生到部向不朝考嗣後俟到有四五  
名由部奏派大臣試以書藝一詩一分等第進呈明通  
者劄監肄業荒疏者發回原學學政議處

詔停斬絞緩決各犯納贖之例

諭刑部議駁御史葉啟豐所奏斬絞捐輸之例應請刪  
除以虞書金作贖刑呂刑大辟赦爲訓不知虞書原  
引而未發而呂刑則穆王毫荒時所爲也欲准贖抵係  
可緩之類然能贖與否終視乎有力無力該御史所奏  
未嘗不是著將斬絞緩決各犯納贖之例永行停止

夏四月定歲科兩試生員命題例

向例歲科兩試四書文二經文一後刪去經題雍正六  
年歲試定爲兩書一經科試一書一經一策冬日減經  
嗣後歲試一書一經科試一書一策春夏秋日增律詩

一首

大學士陳世倌卒

世倌字秉之海甯人尚書陳詵子諡文勤

大兵征霍集占戶部侍郎副都統三泰靖逆將軍納穆扎爾陣亡

三泰漢軍入諡果勇納穆扎爾旗人諡武毅 御製雙

忠詩以旌其忠均圖形紫光閣

冬十月 大兵攻回部於英義奇盤山將軍兆惠受圍總兵高天喜侍衛鄂實副都統三格等歿於陣

回教始於隋唐盛於元其祖國曰天方即亞刺伯又曰

大食在蔥嶺西數千里有墨德墨克各國當隋唐之際其國王謨罕驀德又曰摩哈麥生而神靈巨服西域各國始自墨德踰蔥嶺東遷喀什噶爾是爲新臺有回鹘之始卽霍集占兄弟等之高祖也霍集占之兄曰布那

敵

亦曰博羅尼都

爲大和卓木次曰霍集占爲小和卓木二十一

年

大兵復定伊犁釋大和卓木之囚送歸葉爾羌使

統其舊

部

而出小和卓木拘禁之使居伊犁掌回務仍

犁俶擾霍集占率眾助阿逆戕我使臣副都統剛敏道

霍集占遂自立爲汗葉爾羌城南英峩奇盤山之役兆惠受圍馬少不能突出總兵高天喜原任前鋒統領侍

衛鄂實原任副都統三和侍衛特通額俱歿於陣 上  
嘉兆惠深入賊巢謀忠誠勇著出一等武毅伯 晉封  
武毅謀勇一等公額敏和卓賞給駝王此番錫爵兆惠  
在圍中不知也高天喜謚果義鄂實鄂爾泰第二子謚  
果壯三格納親之子謚剛勇回部者天山南路也天山  
爲蔥嶺正幹袤數千里抵哈密其左右爲準回兩部回  
部卽漢書城郭三十六國非北路諸行國比南北分路  
於哈密其由巴里坤踰山或吐魯番踰山經烏魯木齊  
赴伊犁者爲孔道其由烏什阿克蘇逾冰嶺赴伊犁者  
爲捷道雪山之陽冬夏湧流數十川滙於蒲昌海

今呼羅  
布淖爾

爲中國黃河之潛源其間大小回城數十回莊小堡千計漢書西域諸小國次小國今論所稱準部攻取回予千餘城皆並回莊回堡言之也攷敵煌爲古玉門陽關又曰哈薩克卽陽關哈密爲古伊吾關展古鄯善亦名樓蘭吐魯番卽車師前部漢戍已校尉所治唐交州明火州治在焉車師後庭在今烏魯木齊西南行逕古危須焉耆地而至車爾楚軍臺爲漢烏壘城都護治焉又西至布古爾爲漢輪臺地又西南至庫車爲古龜茲唐安西都護治焉又北逕賽里木城拜城拜城西卽古姑墨國由拜城至阿克蘇卽古溫宿國始分三道一北

至烏什卽漢尉頭烏什西北卽布魯特一西南達葉爾  
羌爲漢莎車南渡乃至于閩一沿烏蘭河岸抵喀什噶  
爾卽古疏勒則漢唐已來西域建牙之所此外西北各  
小國若循休捐毒盤陀皆布魯特各部

十一月乙未 上射豐澤圖發十一矢皆中的命布魯特  
諾起等從觀○十二月以辦理陝甘軍務封大學士兼管  
陝甘總督黃廷桂三等伯爵○將軍兆惠奏軍營掘米一  
百六十窖

先是兆惠受圖葉爾羌城南北惠遣五卒赴阿克蘇告  
急舒赫德飛章入告賊於上游決水灌營我軍潰而洩

之營依林木鎗礮如雨我軍伐樹反得鉛丸數萬賊聞  
喀什噶爾所屬英吉沙爾城忽被布魯特搶掠霍集占  
猝謀禦敵兆惠領兵縱火奪賊營二殺看守人眾過半  
霍集占與布拉呢敵大恐遣使議和兆惠以矢射書謂  
曰爾兄弟果欲納款當入覲 天子否則不允二逆射  
書願送口糧撤圍相見兆惠不許尋軍營掘米一百六  
十窖事聞賞兆惠御用朝珠金黃帶荷包

乾隆二十四年春正月將軍雅爾哈善以罪誅

論畧曰雅爾哈善以將軍征討回部乃自進兵庫車以  
來種種玩誤爲從來所未有其最不可道者一在霍逆